



Nuuk, maajip 10-at, 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Aalisartunut atuisunut akiliut Naalakkersuisunit atuutilersinneqarmat aalisartut paasitinneqarsimapput 1.500 kronemik akiliigunik soorlu qaleralinniarnissaminut, taava aalisakkanik allanik umiartsiaararsortut tunisisinnaatitaassasut soorlu saarullinnik qeeqqanillu imaluunniit nipisaat suaannik.

Maanna paasivara qaleralinniaq akileereersimasooq nipisaat suaanik nappartarnik 7-nik tunisiniaraluartoq itigartitaasimasooq, soorlu aamma saarullinnik qeeqqanillu.

Ingiinnartariaqarsimavai. Tamanna eqqortuusinnaava? Umiatsiaararsortut qanoq annertutigisumik pisinnaatitaaffinnik ilisimatinneqarsimappat?

(Inatsisartunut ilaasortaqaq Aleqa Hammond, Siumut)

Tunnqavilersuut:

Umiatsiaararsortut arlallit saaffiginnittarput atuinermut akiliuteqarsimallutik ajornartorsiutinik aporfissaqartinneqartartut. Avannaani qaleralinniarnissamut 1.500 kronemik akileereersimasooq ilisimatinneqarsimavoq tunisassanik allanik aamma tunisisinnaasooq soorlu saarullinnik, qeeqqanik assigisaanillu, taamaattorli nipisaat suaannik nappartarnik 7-nik tunisiniaraluarmanit itigartinneqarsimavoq tunisassaraluanilu ingiinnartariaqarsimallugit.

Paaserusuppara ilumut taamaattussaannersooq?

Paaserusuppara aalisartut qanoq annertutigisumik akiliuteqarnerup nassatarisaanik allannguutinik ilisimatinneqarsimanersut, ilami ilaasa apuummassuk inatsisissaq takusimanngisaannarlugu.

Kissaatigaara apeqqutima ullut suliffiusut qulit qaangiutsinnagit allakkatigut akereerneqarsimanissaa.

Ikinngutinnersumik inuulluaqqusillunga

Aleqa Hammond

Siumut